



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

CXXVI. Jacob von Estorff verkauft aus Wiederkauf an Katharina von dem
Berge Hebungen aus Radembek, am 21. Dezember 1434.

Nutzungsbedingungen

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

CXXXVI. Jacob von Estorff verkauft auf Wiederkauf an Katharina von dem Berge Gebungen aus Radembeck, am 21. Dezember 1434.

Ick Jacob von Estorp, Hanfes Zeliger sane, bekenne apenbar an dusen mynen breue vor myck, myne eruen vnd allesweme, dat ick verkofft hebbe vnd in gegenwordigen verkoope, in craft vnd macht dusses breses, to enen rechten wedderkoop der junghen vnd erbaren juncfrowen Katharinen van dem herge, Segebands Zeliger dochter, vnd hebber dusses breses mit ohren guden willen drie gude Rhinsche Gold Gulden jarlicher renthe in vnd vth mienen Meigerhaue tho Radembecke, in dem lande to Lüneborg belegghen, dar nu thor thydt vppe wanet Claus Meiger, de sodane drie Rh. Gold Gulden alle jarliches vthgeuen vnd entrichten schal. Dar vor se mick wol to dancke vefftig gude volwichtige Rheinsche Gold Gulden gegeuen vnd ouer geantwordet hefft, de ick ock vort in mynen vnd myner Eruen nuth vnd frommen verwand vnd gekaret hebbe, also dat de gedachte juncfroue, edder hebber dusses breses mit ohren guden willen sodane drie gude Rhinsche Gold Gulden vulwichtiger jarlicher renthe alle jarliches vp Michaelis schal vernoget vnd entrichtet werden van den genanten besitter des genönten houes. Wo auerst sodanes nicht geschege, vp genömtor tydt nicht entrichtet worde, heft gedachte juncfroue vnd öhre medebenömpie de macht beholden, dar vmme to panden edder panden to laten, edder sodanes mit gheistlichen edder werntlichen gerichtten fordern vnd manen laten nah aller ehrer bequemeheit edder sikk der tobehoringhen genanten haues an acker, wischen, weiden, holtingen, voghedigen, dienste vnd tynsen bruken vnd geneten, dar mede sodane drie Rhinsche Gold Gulden vulwichtig jarliches van vernöget werden, ane myn vnde myner eruen insaghe vnd weddersprake. Doch hebbe wy an beyder parthe de macht beholden, welkeren parthe dat beleuet, vnser eyn dem andern vp sodanen weddercoop edder summe Gulden vorberöret eyne rechte looskundigung in der weken nhegest vor S. Michaelis daghe to vorkundighen vnd darnah in den achte daghen vor Wynachten sodane gude vulwichtige festig Rhinsche Golt Gulden houetsumme, mit bedageden renthen, este dar welck nahgebleuen weren vul vnd all thor genöghe in eyner summe wedder geuen vnd ouer antworden gedachter juncfrowen edder öhrer medebenomden, ane jennicherlei insaghe, hulprede effte geuerde, dar mede denne vnd nicht eher schal düsse brief genzlich machtlos vnd doet sin. Alle düsse bouen bestimmte stücke, puncte vnd artikel dusses breues laue ick opgenante Jacob vor mick vnd myne eruen stede, vast vnd vnverbroken wol to holdende, ane insaghe vnd geuerde, tho Orkund mit mynem anghehangenden Inghesegel vorsegelt an dülsem brees vnd gegeuen nah Christi gebort vertheinhundert, dar nah im veer vnd drüttigsten jahre, am daghe Thome des hilligen apostfels.